



**Aningaasaqarnermut Nunamullu  
Namminermut Naalakkersuisoq  
/MAANI**

**Ulloq:** 12. september 2013

**J.nr.:** 01.31.06/13-00639

**Aningaasaqarnermut Akileraartarnermullu Ataatsimiititaliap pingasunngornermi ulloq 11. september 2013-imí aalajangiinera pillugu Naalakkersuisunut ilisimatitsineq (suliaq nr. 01.31.06/13-00639)**

**2013-imí kommunalbestyrelsinut qinersinermi partit qineequsaarnermut peqataanis-samut tapiiffigineqarnissannik partit Inuit Ataqatigiit, Atassutip, Kattusseqatigiit Partiiaata aamma Siumup qinnuteqaataat**

**Naalakkersuisut inassutigaat,**

- kontomi pingarnermi 20.05.35-imí, Partit qineequsaarnissaannut tapiissutinut tunngasumi, aningaasaliissutit 1.401.000 kronnik amerlineqassasut, kiisalu
- konto pingarnermi 20.11.50-imí, Ingerlatsinermut sillimmatinut tunngasumi, aningaasaliissutit 1.401.000 kronnik ikilineqassasut.

**Aningaasaqarnermut Ataatsimiititaliap oqaaseqaatai**

Kommunalbestyrelsinut 2013-imí qinersinermut partit qineequsaarnerannut tapiissutinut matussutissanik aningaasanik immikkoortitsisoqarnissaa Naalakkersuisut qinnuteqarnermikkut kissaatigaat. Illassutit aningaasaliissuteqarnissamik qinnuteqaat taamaattoq ulloq 4. februar 2013 – Inatsisartunut qinersinissap nalunaarutigineqarnerata kingorna – Aningaasaqarnermut Ataatsimiititaliamit tiguneqarpoq. Qinnuteqaatip suliarinissaa itigartitsissutigissallugu Aningaasaqarnermut Ataatsimiititaliaq sisamanngornermi ulloq 14. februar 2013-imí ataatsimiinnermini aalajangerpoq (suliaq nr. 01.31.06/13-00619). Qinersinissap nalunaarutigineqarnerata kingorna illassutit aningaasaliissutit suliarineqartarnerat pillugu ataatsimiititaliap suleriaasianni aalajangersakkat innersuussutigalugit tamanna pivoq.

Tapiiffigineqarnissamik qinnuteqaatit Naalakkersuisunut tunniunneqassasut aammalu qinnuteqaat qinersinerup ingerlanneqarnerata kingorna kingusinnerpaamik qaammatit marluk qaangiunneranni tunniunneqareersimassasoq Inatsisartut inatsisaanni atuuttumi allaasimavoq. Tapiissutit amerlassusissaat aningaasanut inatsimmi aalajangersarneqassasoq inatsimmi aamma allassimavoq. Taamaalillunilu ajornartorsiutaasoq tassaavoq partit 2013-imí qinnuteqarnissaannut aningaasanik immikkoortitsisoqarsimannginnera, taamaattumillu missingersuusiornermut inatsit naapertorlugu illassutit aningaasaliissuteqarnissamik qinnuteqaat una Naalakkersuisunit nassiunneqarpoq.

Missingersuusiornermut inatsit naapertorlugu Naalakkersuisut illassutit aningaasaliissuteqarnissamik qinnuteqaammik nassiussinissaannut piumasaqaataavoq, taanna aningaasaqarnikkut iliuusissanut pingaarutilinnut aammalu aningaasanut inatsisissap suliarinerani silimaffigereerneqarsinnaasimannngitsunut tunngasuussasoq. Tassuna ilanngullugu oqaatigineqassaaq konto pingarnermi tessani aningaasanik immikkoortitsisoqarsinnaaqqullugu pingajussaaneerinissamut allannguutissatut siunnersuummik saqqummiusseqqullugit Naa-

lakkersuisut 2013-imi aningaasanut inatsisisstatut siunnersuutip suliarineqarnerani Aningaa-saqarnermut Ataatsimiititaliami amerlanerussuteqartunit qinnuigineqarmata. Taamaattumillu 2013-imi kommuninut qinersisoqarnissaa, taamaallunilu aningaasat matumani qinnutigineqartut pisariaqartinneqarumaartut, aningaasanut inatsisip akuersissutigineqarnissaa sioqqullugu Naalakkersuisunit ilisimaneqarsimappat ilassutitut aningaasaliissuteqarnissamik qinnuteqaatip matuma nassiunnera inatsimmut naapertutissangilaq.

Kommuninut qineqquaarnermut tapiissuteqarnissamik ilassutitut aningaasaliissuteqarnissamik qinnuteqaatip ukiualuit matuma siorna suliarineqarneranut atatillugu qinnuteqaat Aningaasaqarnermut Ataatsimiititaliamit akuerineqarmat, naak kommuninut qinersineq ukiut sisamakkaarlugit pisaraluartoq, taamaattumillu kommuninut qinersinissaq Naalakkersuisunit ilisimaneqareertariaqaraluartoq. Qineqquaarnissamut tapiiffigineqarnissamik partit qinnuteqaataannik Naalakkersuisut ilumut tigusaqassanersut aningaasanut inatsisip akuersissutigineqarnerata nalaani Naalakkersuisunit ilisimaneqarsinnaasimannginnera ilassutitut aningaasaliissuteqarnissamik qinnuteqaammik akuerinninnerminut ataatsimiititaliap tunngavilersuutigaa. Akuersinermut taama tunngavilersuuteqarneq piffissaagallartillugu (tassa aningaasanut inatsisisstatut siunnersuutip saqqummiunneqarnerani) taama aningaasartuuteqarnissap pisariaqalernissaa Naalakkersuisunit ilanngunneqarsimamannginneranik uparuaanermik paatsoorneqarsinnaanngitsumik ilaqtinnejarpooq.

Kiisalu suliap matuma assut isornartoqartumik ingerlanneqarsimanera Aningaasaqarnermut Ataatsimiititaliamit ajuusaarutigineqarpoq siunissamilu taamatut pisoqaqqinnissaata pinngit-soortinniarneqarnissaanik Naalakkersuisut qinnuigissallugit.

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqanngillat**.

Ataatsimiititaliaq sinnerlugu

Finn Karlsen  
Ataatsimiititaliap siulittaasua